

1 PITA

Pita yio Jisis siir kigna miriyan inkam nwirkin. Mi ta yokwowa siya winkika iikamim Jisis siiram naingwo tibmiiyim mi siir yai airam wakaeyokna apiyim simiiram. Pita siya minam winkikin iikamim naingwo tibmiiyim simiir kinsiis haiginuwam, dimusi rani iikamim naingwo tibmii karamae nwowiyim simiirin hik sima hauugim. Pita siya pi boriisopi sima simiir naingwo tibmiiya Jisis siiram naingwo tibmiiya sair haiburgigim siya ha naingwowi saeya hiriyyar dwokripkai mi hik hiriyyar hai. Iriig.

Bigibiyan yokwowa Pita siya winki aeya

¹ Kara Pitakin, kara Jisis Kraisi siir aposel inkamkin mi ta yokwowa kara winkika iikamim naingwo tibmii kiiyiyim Adi Komii krimiiir Wanin siirim kiiiram yipiki biya, biyan iikamim sim nhinikriropkiyim kiiir nu maeyau waraurankin mi kima ha namim mi kima kimidiniya ti omim sim ini owou, Pontas, Galesia, Kapadosia, Esia mi Bitinia. Wim kima ini inkamim yipiki hindara nini boinakiiyim iki om nhirim sim mi ha swoki amiyim simiir oma hiriir ini simiir hiriinan ywowim. Mi ti hiriinan siyu kaimwoin, wim kima ti om iirin wi ii priei nwo rani mi mhoiia kima wi kiiir omkiomin Adi Komii siya nwowin wi siir nwowi. ² Kiiirin Adi Komii krimiiir Wanin siya bidi yimbiingiyim siir iikam nwowim. Dimusi rani, biya siya bidiyar yinokninkinin mi siya

hiriinan biidiyar mi aingwowaɗin kimiir kwoɗinim wi rirmiiya siya nwowaiginuwi opa dimin taemin hinda kigiguskiya sair hiriinan. Siya ti hiriinanin siir naeyuni tirkin mi ta hiriinan sairsika kima wi Jisis Kraiis siir yai imiir nwoki wakaeyokna apim mi siir nhieya kimiirin dimin whirki kimbu karamae saeya nwoka. Kara ha naingwowi Adi Komii siir naingwobumbuwa wi kimakar nwowi mi kima wi iripar nongwomamaɗi aei. Kara ha naingwowi siya ti dimin miyik miyik imiirin wa tiri kimiirin mi simiirin wi idwo idwowaɗi nitkin iinainami. Irig.

Mhoiya krɪma Adi Komii saika nwowi mi krɪma wi digworaekwo miyikmiyik imiir haii

³ Krɪma Adi Komii siir inig iirarar hainanki yipiki krɪmiir Biyan Inkam Komiiyin Jisis Kraiis siir Adin. Dimusi rani, siya krɪmiiramɗin nhami nhami bi naingwokwonanaekin mi siya siir naingwoyɗmyoka sairin warar mi iisiimauu krɪmiirin Jisis Kraiis siirsi yipiki biya niki aonamin mi siirin Adi Komii siyar swoki hidninsiin idwo omwai swoki waiyamɗin mi tariinanin siya ini omwaiyar swoki waiyan.

⁴ Mi nim krɪma dimin taeminim Adi Komii siya hauwanim krɪmiir yipiki wi krɪmiir kwoɗin imiir whinkinsiis haiginuwi simiiram nwokwokini. Simiirin ini siyar kigriraowim siir om hirar mi simiirin wi tioidwomai rani, sima wi wadie hiriyar nwokripkaigiyami. ⁵ Ti digworaekwowim yim iikamim yipiki naingwo tibmii kinim yim kimiirginim mi simiirin ini Adi Komii siyar kigriraowim. Dimusi rani, siya kirie komiigakin mi simiirin wi kirar haibudwini mi

ti digworaekwowim yim wi Adi Komii siyar nanaakninkiihaiginiuwu ta iya Jisis siya swoki itana kimiir nanmaiwarkaina iuguskiyana wi saiir nanaakninkii haiginiuwu.

⁶ Dimusi rani, kima wi maigimaiga ti dimin taemin imiirsi nwowi tiriiginim ta ii aiir nwowim sima hik kimpipisu kimiirar hauuga wandi kima maigimaiga nwo karamae kipi nwo ti dimin taemin imiirsi. ⁷ Mi ti digworaekwowim yim wa nimbimbiyami mi wi ta hiriinan saiirsi kinankiuwi Adi Komii siya kimiirin kimiir naingwo tibiya ini panin panina namisi owa kimiir kwoinawu nwokaiya. Mi iikamim golin paenau kabitkaigiim mi sima pa niki obriprigii mi ti golin pi opar nasae imbiyami mi sima dimin biyeyim iki siir idwo hir nwowiyim pa nitnoudnankaigii mi hapairin pi golkigolin pi sasar nwokii. Mi ti hiriinan siyu kaimwowin, Adi Komii siya dimin biye imiiramini asi kiwakii krimiir tumbuninkin haiginiuwamin mi ta hiriinan saiirsika ti dimin hiriinanim yim wi pi nitnouninkigii mi wi dimin kibi kibiyim sima simar nwokaigii krimiir kwoinawu mi kima wi Adi Komii siirgisiiramar naingwo tibiya kin iski. Mi ti dimin kibi kibiyim kimiir kwoinawu nwokaiyim yim ini gol imiir haiburim. Mhoiya ti golim yim wa digii mi wari dimininim kimiir kwoinawu nwokaiyim yim wi wara digi rani. Mi mhoiya Jisis Kraisi siya swoki iti mi siya, siya siyar swoki anaakninkinaei mi wim kima wi inig komiigak hainii nwowi mi Adi Komii siya kimiirin wi hinina boini, kima dimin whirki bi kimbugim. ⁸ Kima Jisis siir bi kigim mi kima siiram

naingwokwonanaekim. Tariinanin kima siir bi kigim mi kima siiram in wakaeyokna apim mi kima ini maingimairgar nwoyokiyokiyim mi ta hiriinan saiirsika kima wi hinina boin tani saiir kirieya paninga ⁹ Dimusi rani, ta hiriinan saiirsika kimiir naingwo tibmiiya ya hininga, kima wi Adi Komii saikar nwowi yipikin kimiir nanmaiwarkainan.

¹⁰ Mi ta nanmaiwarkaina ta biya biyan profet kamim sima saiir naingwokwonanaekim mi sima bi sibgu inokninkin kingim. Mi sima kimidiniya naingwobumbuwa mhoyiya Adi Komii siya nisiimauwana saiir winki mi ya tariigina ya nikrani wim kima wi ta nanmaiwarkaina saiir haii. ¹¹ Mi sima ta Adi Komii siya nanmaiwarkaina krimiir saiir saiira naingwokwonanaekim mi sima ini sima simar yinsrii ansriina ti dimin taemin imiiram. Mi ti Kraisiir naeyuin yipiki simiir hir nwokaiyin simiirin siyar yanaakninkii haiginu iya Kraisiya nitana saiirin mi dimin taeminim ti ii imiir nimbimbiiyamim iya Kraisiya haiya hik dimin biyie biyeyim simiirsi mi mhoyiya siya wi inig komiigakar nwowi. Mi sima ti diminin siir siira naingwokwonanaekim mi siya wi panin panina nimbiiyami. ¹² Biya Adi Komii siya simiirin hinina nisiimauugin, ti yayim sima boinmimauuim yim wi simiirar swoki whinkinsiis haiginu rani. Mi ti dimin taeminim mhoyiya ikkam kimiir whinkinsiis haiginuwi yim ti dimin taeminim ti tariinan nwowim sima warairgim, yipiki tiki kamim Adi Komii siir yai aiir boinmimauuwim kimiir, sima boinmimauuwim. Adi Komii siya yikropki siir naeyuin simiiram

mi simiirin siyar whinkinsiis haiginugin mi sima ti dimin taemin imiirin asi boinmauugim. Mi paekwosimim yipiki inkam nwowin Adi Komii siya nikropkiyim ta mai aiir mairiyam mi yim sima biya ti diminin Krai siya tiranin siiramar mi naingwokin siir mi inokninkinim mi sima ini yinkinyaewaowim dimusi rani, Adi Komii siya simiir bi boinmauugin. Iriig.

Iikamim dimin miyik tiriyim kimiir kwoinim yim rirmiyar dwokripkai

¹³ Mi ta hiriinan saiirsika kimiir kwoinim kirie hiriyar dwokripkai mi kima kimiir siyu iirsiyar mintirao mi kimiir kwoinim sibgu sibgu daingwo omok ta naingwobumbuwa wi mhoiia Krai siya hauwi kimiir saiiram nwokwokinim mi iia Jisis Krai siya swoki itana siya wi siya siyar nanaakninkinaei. ¹⁴ Kima Adi Komii siir wakaeyokna apiyim kima yinisimin siir ad yopiiyo sowiir yai imiir wakaeyokna apiyin siir hiriinan dwo. Mi ta i aiirarin kima iki dimin biyie biyeyim biya kima tirim simiiram kipi naingwokwonanae iia kima Adi Komii siir ninokninkin karamae nwowa saiir. Nningaka. Ti dimin hininim simiir tiram kipi naingwo. ¹⁵ Mi yo hanngi niuwi kima wi Adi Komii siir hiriinan nwowi yipikin kimiir kwoin imiir kiyaiyin siir dimin miyik miyikim simiir haiyam. Yo siya ini dimin whirki kimbu karamae hiriyar nwokripkaiyin mi wim kima iriipi hiriinan dimin whirki kimbu karamaeyar timi o wari dimin taemin whiekakim kima tiriyim simiirin. ¹⁶ Kima ti hinina tir. Dimusi rani, Adi Komii siya siir Yokwo Komii aiir winboinkiyin

siya ti hiniina boinkikin, kima dimin whirki kipi kimbu. Dimusi rani, Adi Komii kara dimin whirki bi kimbugin.

¹⁷ Adi Komii siya wi ikam whiekak krimiirar hidirkaki mi siya dimin taeminim krima tirim wi simiir hiriinanar swoki tiri. Mi ta hiriinan saiirsika, wim kima ikam yipiki siirin hiniina dapikuiwiyim Adi mi siirim kwisboinkiiyim, kima, kimasiyar mintiraona dimin taeminim kima tiriyim iya kima ti nu iirar niki owiyim, yim Adi Komii siir kipi tir big nasmirwaiya nwo karamae siya nwowim kimaka. ¹⁸ Kima ti dimin taeminim kara boinmimauugiyim simiir tir dimusi rani, wim kima ina ninokninkinim kimiirin Adi Komii siya bidi yanmaiwarkainam dimin biyeyim biya kima tirkaiyuwim simiir hirankin, ti diminim yipiki biya kima nonkwowim kimiir brougae wanwiyaeyim sima niisiisimauuwim kimiir. Adi Komii siya kimiirin silva, gol minmi bi saininiyoknakin. Nningaka. Yim ti dimin hiniinim yim wa tioidwomaii. Siya kimiirin Krais siir nhie kibi aiir nanmaiwarkainakin. ¹⁹ Siya ini sibsibnan ywowin siirin whaigomkosimki bi pisrankin mi hankak sim bi swoki okin mi dimin whirki bi swoki kimbugin siir pua whauriyinki whauriyinka Adi Komii siir yai aeya boina saiir hiriinan. ²⁰ Mi biya iya Adi Komii siya nu iir niki onkwokwo karamaeyar niki owa, siya Krais siirin saiirar nimbingin tiriir nitamin mi iki ii nhirim mhoiyanim simiiram niki okin mi siya sasar nanaakninkiinakin kimiir whinkinsiis haiginiuwamin. ²¹ Wim kima Adi Komii siiram asi naingwo tibmiigim. Dimusi

rani, Kraisiirsika. Siya b̄idiyar iki aonamin mi siirin Adi Komii siyar swoki hidn̄insiin idwoki omwai waiyayokiyokiyamin mi siya siirin inig komiigakar ywowaigin̄iu mi ta h̄iriinan saiirsika k̄ima siiram asi naingwo tibmiigim mi k̄ima siiramar dwokwokin k̄imiirin wi mhoiia siya nik̄unaki mi k̄ima wi saika nwoyokiyokiikaeyami inok̄inok̄in.

²² Mi k̄imiir kwoin̄im dimin whirki kimbu karamae b̄idi ywowim mi ta h̄iriinan saiirsika ti Adi Komii siir yai k̄ibi k̄ibiyim k̄ima wakaeyokna apim simiirsika mi ta h̄iriinan saiirsika k̄ima k̄imiir nomiiyauim simiiram̄in nhami nhami k̄ipi naingwokwonanae. Mi k̄ima irni n̄wirniyam naingwokwonanaeyim wari k̄imiir kwoin̄in dimin whirki kimbu karamae nwowiyin siya daingwokwonanaei. ²³ Adi Komii siya k̄imiir kwoin̄ imiirin yaeya kwoin̄ win̄ b̄idi t̄irkiyin yipiki wi h̄iriyar nwoyokiyokiikaeyami k̄ima wakaeyokna apa siir yaiya saiir k̄irieni t̄irkikin wadie k̄ima nwowamin. Mi siir yayim yim wi wara t̄oidwomai rani. Mi iriipi h̄iriinan k̄imiir kwoin̄im yim iriipi h̄iriinan yim wi wari mi digi rani. Wim̄ k̄ima inkam komiini ȳinis̄is̄imkim̄ yipiki nao karamae nwowiyim sima. ²⁴ Tiki yayim yim kaimwowaigim. Dimusi rani, yayim yipiki Adi Komii siya winkiyim Yokwo Komiini yim h̄in̄ina boinkikim,

iikam whiekakim yim ini konan ywowim mi ti inig komii komiigak sima nwowa yim ini k̄ipnan ywowim. Mhoiia sima wi kowa inkamki t̄okis̄ims̄ibḡiniya mi ha waiswaekiya wi saiir h̄iriinan n̄wowi. Mi

kɪpa ya wa mi houginami nua hiriir mi saeya wa mi bropkinami. Mi ti kamim ti nu iir nwowiyim inig komii komiigakim yim wa digi. ²⁵ Mi Biyan Inkam Komii siir yai kibiya ya wi hiriyyar nwokripkaigii.

Mi ti yaiyim simakisimaigim krɪma boinmimauuwim kimiir. Iriig.

2

Mi Biyan Inkam Komiiyin yio ini yinpaenan ywowin mi krimiirin siyar whinkinsiis haiginuwi krɪma nwowamin

¹ Mi kɪma warɪ dimin biyie biyeyim kimiir kwoinaw nwo kaiyim yim ti itnoudninkigi, ti dimin taemin hininim, niksise yai, yai iyop nwo mi kwoin bibiyie naingwo mi yai kinaopitkaigai mi ti hiriinan diminim kɪma simiirin kipi tir. ² Kɪma yinisim sapisapin mwiyyaramar naingwowiyin siir hiriinan daingwo Adi Komii krimiir Wanin siir yai kibi kibi imiiramɪn mi hiriinanki nuwi wim kɪma wi inakamae adiyaowaenan nwowi mi iki Adi Komii siir dimin taemin imiirin wi haningɪn sibgu ninomokninkin digi.

³ Dimusi rani, wim kɪma bidiyar yinokninkinim Biyan Inkam Komii siya wadiyairgin mi siya kimiirar bidi whinkinsiis haiginuwɪn mi kimiir dimin biyie biyeyim yim siya bidiyar mi haiyoprimdiyumiigiyim. ⁴ Kɪma Jisis saika damasukikin yio siya ini yinpaemiiyiknan ywowin yipiki iikamkim sim boriisopin mi Adi Komii siya siiramɪn nhami nhami bi naingwokɪn mi siirin siya yimbingi ti dimin biyeyim krɪma tirim simiir haiyoprimdiyumiigiyam. ⁵ Mi iikam

wim kima ini iriipi hiriinan iyin paeyinanar mi owim mi ta hiriinan saiirsika Adi Komii siya kimiir asi nanmaiwarkainaei mi kima Adi Komii siiram kiwaki kimiirin siir omakanan nwowim mi kima wi pugan kwiruwar mi owim mi wim kima ini pris inkamnan ywowim. Yim sima biya wraisuim ha nisomsom aokaowim mi simiirin sima hiya Adi Komii siir haigin anag hauugiiya saiir idwo hir haigin anagi, Adi Komii siir ninkin imiiaeyam. Mi ti hiriinan siyu kaimwowin siirar timi tir dimin taemin miyikmiyikim Adi Komii siirim mi kima wi kimar hauunaei Adi Komii siirin nae ninkinimiiaeyamin mi dimin taeminim kima tiri Adi Komii siya wi maigimaigra nwowi simiiramim. Dimusi rani, biya Kraisiya bidiyar tirkiyim krimiirin krimiir siyu bibiyie imiir haiyoprimdiyumiigiyim. ⁶ Adi Komii siir yaiya Yokwo Komii saiir hir nwowa hinina boinkika, kara yinpae kibiyin wira yimbin om Saion hiramim omaka hir nwowa saiir kougou nwowim. Siya ini ti kougouwin siir hiriinan ywowin omaka miriyyim ninansiin okwowyin mi ha boiniyin yo miyik rani mi yo Adi Komii siya hinina naingwowi yo bimbuiwi rani. Kraisiyaigin omaka saiir nonkworinuwanin kougouwin mi iikamim yipiki siiram naingwo tibmii sima wi hik mirisikak nwo rani mi simiirin wi siya nanmaiwarkainaei mi wi siyar whinkinsiis haiginuwi. ⁷ Mi ti kimiir iikam nhirim yipiki Kraisiiram naingwo tibmiyyim, wim kima siiramim nhami nhami naingwokwonanae rani mi tiriiginim yipiki siiram naingwokwonanae karamae

nwowim Adi Komii siir yaiya Yokwo Komii sair hir nwokaiya ya hinina boinka,

Siya ini yinpaenan ywowin yipiki inkamkin diriraerarkikiniyin omaka miriyam mi mhoiia pa swoki boini siya miyik rani, mi yio Adi Komii siya siirin hinina naingwokin siya wadiekwadieyairgin. Ini siya siyar ywowiskiyin yinpaenanin yipikin omaka kougounan omaka sair bopwoniya nokwoin omaka akou iir hougwowinam. ⁸ Mi iikamim yipiki Krai siiram naingwo tibmii karamae nwowim mi digumii siir haimriiyuim,

Krai siya siyanan ywowin mi ti iikam hiriinanin yim wi siya tirkii mi sima wa nhimnhinkinami mi sima wi sima simar tioidwomai. Sima iikam whaowaenan nwowi mi wa nikii iuguski.

Dimusi rani, sima digumii Adi Komii siir yai kibi imiir haimriiyugim ti Adi Komii siir yaiyim yipiki biya niki winkyim Yokwo Komii sair nwokaiyim sima wi digar nwowi simiir tirim.

⁹ Mi wim kima simiir hiriinan tani wim kimiirin biya Adi Komii siya bidi yimbinim yipiki siir pugan nwowim mi kima ini Pris inkamnan ywowim siir inig hainan prapasim mi kima ini iikamim yipiki Adi Komii siir mai aiarara miriyim mi mai miyikmiyik ha miriyim ini simiir hiriinan ywowim. Mi kima ini siir iikamnan ywowim dimin taemin kibiyim siya tiriyim simiir nanaakninkii haiginuim. Siya kimiirin minam kiyaii kima dimin taemin biyeyim nibwomambwonan nwowiyim digumii simiir

haimriiyugigim mi kima siir yai kibiya yipiki bienan whwoyaya saiir wakaeyokna apim. ¹⁰ Kima biya iikam nanga nwokim mi tariinanin kima ini Adi Komii siir puganan iikam ywowim. Biya Adi Komii siya kimiir bi whindiriraerar haiginugin mi tariinanin Adi Komii siya kimiirin prasae prasae bi whindiriraerar haiginugin. Iriig.

Krma Adi Komii siir mai mriiyan iikam dwo.

¹¹ Ti kariir nomiyaukinim kima ti nuin siir siyuin siir tiran tani. Nngaka. Kima tirin wi ii prai nwonam tani kara kimiirin asi boinonkwokwoki. Iya kima tirar niki owi dimin bibiyeyim digiumii simiir haimriiyugig ti diminim kimiir kwoinim inokinokin simar nipiyaokii mi ta hiriinan saiirsika kima wi ti dimin biye imiirar wakaeyokna api mi wi dimin biyeya tiri. ¹² Kira, kirar diisimauuna iikam nhirim simiir bopwoniya yipiki Adi Komii siiram naingwo tibmii karamae nwowiyim simiirin. Mi dimin taeminim kima tiriyim miyikmiyik imiirar diriraerar mi ta hiriinana sima kimiir nainugaugauwi mi ha boini kima miyik rani mi ta saiir mhoiya iya Adi Komii siya niti iikam imiir hidam mi ti iikamim naingwo tibmii karamae nwowim sima wi siir inig iirar hainanprapraskii whisarii rani, dimin miyikmiyikim kima tirim simiirsika.

¹³ Mi kima iikamim yipiki kimiir kigriraowiyim simiir yai imiirar wakaeyokna. Dimusi rani, kima Biyan Inkamim Adi Komii siir wakaeyokna apikim kima gavmanmi biyan inkamim simiir wakaeyokna ap. ¹⁴ Mi iki iikamim siya nikropkiyim kimiir kigriraowam mi yipiki siyiu

bibiyie tiriyim simiir donkwoninwimwimninkin haiginu mi yipiki iikamim dimin miyik tiriyim simiir inig imiir hainan prapas. ¹⁵ Kima dimin miyik miyik imiiraramar daingwo. Dimusi rani, Adi Komii siya minam naingwowi, kima simiir tirim mi ti inkam biyeyin siir yai bibiyeyim yim wi pi ninkinyaeyaowi mi ta hariinan saiirsika ti dimin kibi kibiyim kima tirim mi yim wi kimiir swoki boinhuriyu sran tani. ¹⁶ Kima iikamim rirmiiya nwowim kimiirin dimin biyie wharki nonkwo karam nwowim, dimin biyie kipi tir. Dimusi rani, kima ini ti hinin siyiuin siir nwowim kima Adi Komii siir iikamkam mi kima siir mi aiir mriigim mi kima dimin miyik imiirara tiri, siyu biyie wari kipi tir. ¹⁷ Kima iki iikamim simiir inig imiir hainan mi kimiir nomiiyauim simiiram daingwokwonanaei mi kima Adi Komii siirsi didid mi siirin dimin whar kipi tirbu maigimaiga kimaka nwosiyin mi kima gavman inkam komiyyin yipiki krimiir kigiraowiyin siirin mhi hiinsima dwo. Friig.

Dimin taeminim Krai siya tiriyim krma simiir wakaeyokna ap

¹⁸ Mi kima iikamim yipiki whisarii mi priimriiyim kima kimiir biyan inkamim simiir yai imiirar wakaeyokna ap mi hik simiir kipi hauu maigimaiga kima nwosi. Mi iikam nhirim sima kimiiram naingwokwonanaei mi nhirim io kimaka nwowi, kima hariiyar tiki prii diriraerar. ¹⁹ Mi kimiir biyan inkamim sima wi kimiir nikwowaisii. Dimusi rani, kima Adi Komii krimiir Wanin siir yai imiir wakaeyokna apikim mi kima

ta hiriinan saiirsiyɪn yamdi kipi swoki diriraerar mi kima ta kara boina saiir hiriinan diriraerari mi Adi Komii siya kimiirin wi maigimaigra komiigakar nwowi. ²⁰ Mi kima dimin biyie tiri mi yaowae adim sima kimiir nikhaiginuwi mi kima ti diminim sima kimiir tiriyim yamdi simiir kipi swoki tir. Yio tiriiginin yio ini ywowin. Dimusi rani, wim kima dimin biyie tirkim mi kima hik haigim. Dimusi rani, ti dimin miyik miyikim kima tirim simiirsika mi kima ta hiriinana yamdi saiirsi bi tirkim mi yio tiriiginin yio dimin komiigikomii ieyargin mi Adi Komii siya ta hiriinan saiirsiyɪn kimiirin wi siyu miyikar mi tiri. ²¹ Adi Komii siyar bidi yimbinim kimiirin ta hik aiir haiyam yipiki kara boinmimauuwim kima simiir hai. Dimusi rani, Krai siya hik kimpipisu prasae bi haigin kimiirsiyɪn mi ta siya nusiimauwa ini aknain miyiknan ywokiya kima kigna apim inkamin huni siyuin siir kigna apnamiyɪn siir hiriinan. ²² Krai siya siyu biyie bi tirkin mi niksisae yai bi mi boinkin mi siyu biyie bi mi tirkin. Niingaki niingakinga. ²³ Mi iikamim sima siirin yai biyie nikbumbu boini siya nididim mi siya simiirin niksisae yai mi igao yai bi boinkin. Iiya kamim sima siir tioa mi siya simiirin igao yai bi boinkin mi yamdi bi mi tiokim siya yaimin yaimin bi boinkin. Siya ha naingwo tibmiigin Adi Komii siya mhoyiya simiirin wi ti siyu bibiyeyim simiirsi hidi. ²⁴ Mi siya, siya siyar naonakin paeyin hiiniya nirioninkin siirin dimin biyeyim yipiki krɪma tirim simiir haiyim mi ta hiriinan saiirsika iikam krɪma nu tiran dimin biyeyim digumii haigingik mi krɪmiirin wi sima nipiyaokii rani

mi ta hiriinan saiirsika kr̄ma Adi Komii siir dim̄n kibi kibiyim simiir asi wakaeyokna api. Dimusi rani, siya pi naokin mi wim kima wadie asi nwowi. ²⁵ Kima ini sibsibnan ywowim yipiki inkamki naingwo ouwougikim mi siyiuim ha whaowaeiyim. Mi tariinanin kima ini Krai siiram yaingwo tibmiiyim mi siyar kigr̄raowi kimiir kwoinbud imiirin, yipiki inkamin sibsib imiir sibgu kigr̄raowiyin simiir hiriinan. Iriig.

3

Ta yaiya iikamim nonkwonam simiir boinka

¹ Mi iikamim simiir biyan inkamim simiir yai wakaeyoknaeiyi simiir hiriinan wakaeyokna mi wigim iriipa hiriinan, kima kimiir kamni yai imiirar wakaeyokna mi ta hiriinan saiirsika sima Adi Komii kr̄miir Wanin siir wakaeyokna ap karamae nwowi mi simiir kwoinim wi kima nwoki kiyaiyim dimin miyik miyikim kima tirim simiiram mi ta hiriinana sima wa nwoki aingwo tibmiiyim siiram. Mi kima wi yai yaimin dimin kipi swoki boinmimin. ² Dimusi rani, sima wig kimiirin wa kigi kima dimin taemin miyikmiyik imiirar tiri kima wakaeyim sima boinim mi ta hiriinan saiirsika simiir mhi kwoinim wa kisina haigi Adi Komii siir yai aair wakaeyoknamin. ³ Kima simae mikin minim kima kima kipi piuai mwamana, kima indihop mi yuis miyikmiyikim simiirara nii mi ta hiriinana saiirsika iki iikam nhirim sima kimiirin wi ha boini kima bimbuiwi kig rani. Yio tiriiginin yio dimin komii rani. Ningaka. Kima wi hiriinan kipi swoki tir. ⁴ Mi ti dimin taeminim kima naingwoyimiyoim

kimiir kwoinawu nwokaiyim yim hiinsima dwo mi kipi nikwokrimkrip. Yim ti dimin hinin ini mikin, indihop, mi yuis miyik minim yipiki kima puaiyim kimiir pu, ini simiir hiriinan ywowim. Mi dimin taeminim kimiir mhi kwoinawu nwokaiyim yim mikin, indihop mi yuisnan tani bi nimbimbiriyamikim. Dimusi rani, Adi Komii siya kimiir kwoinawu ti hiriinan dimin taemin miyikmiyik imiiram naingwokin. ⁵ Mi ti hiriinan siyiuin, biyan wigim yipiki miyikim yim sima minam nwowi dimin taeminim Adi Komii siya boinim, simiir hauuwim. Mi ti hiriinan siyiuin sima tirin, yio sima, sima simar swoki tirnakin wadie kigamin mi sima simiir kamim simiir yai imiirar mi wakaeyokna apkim. ⁶ Mi Sera saeya iriipa hiriinan siyu iirar mi tirka, saeya Ebrahim siir yaimin dimin imiirar mi wakaeyokna apka mi saeya saiir kam iirin saiir kigiraowan inkam asi nikiugin mi mhoiya kima siyu miyik tiri mi Adi Komii siir wakaeyokna api mi siirsi nidid karame nwowi mi kimar in wi Sera saiir yinisinnan nwowi.

⁷ Mi ti hiriinan siyu kaimwowin, kima kamim yipiki wig nonkwonaim mi simaka ha nwowim kima dinokninkin sima kirie rani, kimiir hiriinan mi simiirin sibgu kigirao. Dimusi rani, kima mi sima kima iriparin mhoiya dimin miyik Adi Komii siya hauwi wi simiirarar haiswowi mi kima hiriinan siyu iir tiri mi kimiir siyiuin wi dimin whirki haiginikou rani, Adi Komii siiram sri dimin taemin haiyam. Nngaka. Iriig.

Kima ukamim hiinsima dwo mi ti dimin taemin miyikim simiir sibgu wakaeyokna ap

⁸ Mi ta kariir yaimirsim kwiruwa pi kimiir boinmauugi kima kwoin whiruwa dwo mi irni nwirniyam daingwokwonanae mi simiirsi daingwoyim yok iya sima hik haiiyim mi dimin miyyik miyyik imiirar tir, irni nwirniyin mi hinina daingwo nhirim sima dwo kimiir kouwin. ⁹ Mi iikamim sima dimin biyie kimiir diriraerari mi kima simiirin dimin biyie yamdi kipi swoki diriraerar. Mi sima yai biyie kimiir boini mi kimiir tirbumbuwi mi kima simiirin yamdi kipi swoki tirbumbu. Mi kima Adi Komii krimiir Wanin siirim srii siya dimin miyyik tirim simiirin. Dimusi rani, Adi Komii siya hinina naingwokin kima ti hinina tirim mi kima siir dimin miyyik miyyik imiirin wa haii. ¹⁰ Kima ti hinina ti diriraerar. Dimusi rani, Adi Komii siir yayim Yokwo Komii saiir nwowim hinina boinkim:

Ti iikam nhirim yipiki ii miyyik nhir nwowam naingwowim ti nu iirin, sima dimin taemin biyie imiirin digiumii haimriiyugig mi niksiseae yayim yim iriipi wara. ¹¹ Sima dimin bibiyie imiirin digiumii haimriiyugig mi dimin miyyik miyyik imiirar timi tir. Sima iikam whiekakim simaka hiinsima dwo. ¹² Dimusi rani, Adi Komii siya iikam miyyik miyyikim simiirar kigiraowikin yipiki simiir kwoinim miyyik nwowim mi siya dimin taeminim sima sriiyim siirim simiirar wakaeyoknaeikin. Mi Adi siya iikam biyeyim digiumii simiir haimriiyuwikim.

¹³ Mi kira wadie tiram naingwowi kiriir kwoinin wi nhinga tirbuwi inkam nwir kamaeka. ¹⁴ Mi

kima dimin miyyik tiri mi iikamim sima kimiirin dimin biyie tiri mi kima maingimainga taokitaoka dwokaeyam. Mi kima iikam imiirsi kipi nidad mi ti dimin taemin imiirsi kipi naingwo yimyok.

¹⁵ Kima Kraisiiram daingwokwonanaei mi kimiir kwoinim siiriramar daingwo iski yio dimin prasae rani. Mi inokinokin kima iikamim kimiir srii yamim simiir yai imiir nowarkii boinam dwokwokin kimiir kwoinim dimin taeminim Adi Komii siirim simiiram dimuim naingwo tibmii? Mi kima simiirin io kwoin kipi nwo mi igao yai kipi mi boin Adi Komii siirsi didad yio wi inig biyiekak kima nwowisi.

¹⁶ Mi kimiir kwoinim maingimainga dwo dimin taeminim kima tiriyim mi kimiir kwoinin wi rirmiihirirmiiya niki owim. Mi ta saiir mhoiia iikamim sima wi kimaka ninkinwamwarkii boini ti dimin miyyikmiyyikim kima tiriyim simiirsi. Dimusi rani, kima Kraisiiram naingwo tibmiiyim mi sima wi nidadgak nwonami dimin taeminim sima boinim simiirsiyin.

¹⁷ Mi kira iikam imiirin sibgu sibgu tiri, iia ti iikamim sima dimin biyieyar tirka wandi kimiirin mi mhoiia Adi Komii siya kimiiramim wi big nasmirwaiyar nwowi. Mi kima iikam imiirin dimin biyie tiri mi yim ti iikamim kimiirin wi iriipi hiriinan dimin biyieyar swoki kwatiri mi Adi Komii siya kimiiramim wi big nasmirwaiya nwo rani.

¹⁸ Tariigina ya kamwowainga. Dimusi rani, Kraisi siya bidi yaowin, siirin kam bibiyeyim sima tiokin mi ta siya naowa krimiir dimin taemin bibiyeyim simiirsi naokin, siyairgin inkam miyyikin dimin whirki kimbu karamae nwowin, siya iikam biyie krimiirsiyin kwiruwar naokin mi ta hiriinan sairsika siya

krimiir asi nanmaiwarkainakin Adi Komii siiram namim. Ti inkamin siyaargin puairgi naowin mi siir kwoinbudin wari bi naokin ini omwaiya swoki waiyan. ¹⁹ Mi ti hiriinanin Adi Komii siir naeyuin Kraisiya maeyau biyieya kwoinbudgin nwowa sair yam mi siya siir yai aairar yanaakninkii haiginu simiirin. ²⁰ Mi Adi Komii siya ti iikam imiiram in minam nwogugugin iya sima omwaiyar niki waiya sima siiram naingwo tibiimim mi sima siir yai aair bi wakaeyoknakim iyim Noa siya mriiyim siyai aair. Mi ta ii aairin Adi Komii siya wikamim iriyyar oumuar hainaowid mi triiginim sima bi naokim. Dimusi rani, op komiyyin simiir wari bi nwomairipu aokin. ²¹ Ti opin yi iikamim yipiki baptaisiyim aknainan simiir nisiimauugin. Taka opa saeya iowim kimiir pu nwowim simiir hisokan tani. Niingaka. Ya min nisiimauuga iikamim yipiki Adi Komii siiram sruiyim simiir dimin biyie imiir haiyoprindiyumiigiyim mi siya wi simiir kwoin imiir diriraerarki rirmiyya nwokiyim. Dimusi rani, Jisis Kraisiya bidiyar iki aonamin mi siya ha swoki insiin idwowin mi ini omwaiya swoki waiyan. ²² Kraisiya bidi yamin Adi Komii krimiir Wanin siir om iir mi siya ini Adi Komii siir ina inig miya ini idwokaiyuin maeyauwa iikamim inigakim sim nidwokaiya sair. Mi paekwosim ima mi nonkwo yu ikim mi uridyu bibiyie whiekak ikim simiir kouwin ini siyar ywowiskiyin. Iriig.

4

Dimin taeminim kima diriraerariyim Adi Komii siir kwoin iirara daingwo tir

¹ Krais siya inkam kr̄imiir h̄riinanar naok̄in mi ta h̄riinan saiirsika k̄ima biya siya tir̄im simiir ti swoki aingwoyokiyokiigi mi siya ini inkam biȳeyim simiirar k̄ign̄ink̄in tīoin siir̄in sima siir nonkwobumbun̄ink̄inim mi inkamki k̄imiir tiowi mi k̄imp̄isu k̄imiir hauwi yi ti h̄riinan̄in, dimusi rani, k̄ima Adi Komii kr̄imiir Wan̄in siir yai aiir̄im naingwo tib̄miiḡim, yim ti dim̄in taemin̄im ini wadie mi ow̄im whisarii rani, iikam̄im ȳip̄iki inkamki tiowiyim simiir p̄uim mi ha k̄imp̄isuwiyim mi ti h̄riinan siȳiun yo simiir grabainḡin̄uwi ti h̄riinan dim̄in biȳeyin sima tir̄iyim simiir haiburgiḡim.

² Mi tariinan k̄ima dim̄inim k̄imiir kwoink̄i naingwowim ta iya k̄ima nu tirar niki owa simiir k̄ipi wakaeyokna dir̄iraerar. Mi k̄ima Adi Komii siir kwoin̄ iirara wakaeyokna ap iski.

³ Fi nh̄rim biya namkiyim kr̄ima dim̄in biȳe kasa bi dir̄iraerark̄im iikam̄im nuan̄im sima tir̄im simiir̄in ti dim̄in taemin̄im yim h̄in̄inḡim: Kr̄ima dim̄in biȳe imiirar wakaeyokna apk̄im mi kr̄ima simiir dir̄iraeraram̄in nhaminhami bi naingwok̄im, kr̄ima h̄i nanaeyim kr̄ima siȳu komii iirar taouuga dir̄iraerari, kr̄ima op k̄ir̄iek̄ir̄eyim simiir kwiyaeiyim iki kr̄ima kwiyae nanaeyim mi kr̄imiir p̄uim pi whaowakakar nwowi mi kr̄ima nae pranaepranae bi naeik̄im mi kr̄ima iki iikam nh̄rim simiir omakar mi amik̄im op k̄ir̄iek̄ir̄ie imiir kwiyaeiyim mi kr̄ima diḡumii Adi Komii siir yai aiir haimriiȳuḡim mi kr̄ima pi uruwai siyaowaiyim simiir iniḡ imiirar mi hainani. ⁴ Mi tariinan̄in iikam̄im ȳip̄iki ti dim̄in taemin̄ imiirar niki tir̄kr̄ip̄kaiyim sima ini hindara yanaakiyim. Dimusi ran, i siȳu biȳe simaka tir

karamae nwowin mi sima kimidiniya yai bibiyie kimiir boin, nididgak kima nwowim ⁵ mi ta saiir mhoiyarin iya Adi Komii siya iikamim omwaiyar niki waiyam mi naokaowim simiir hidi mi ti iikamim sima wi sima simar nanaakninkinaei sima ti hiriinan dimin taemin biyeyim simiir dimusi tirkim mi ta hiriinan sairsika Adi Komii siya simiirin asi nonkwobumbuninkini. ⁶ Mi ta hiriinan saeya, Krai siya siir Yai Win Kibiya iikamim yipiki omwaiya waiyam mi iikamim yipiki biya naokaowim simiir boinmimauuim biya Adi Komii siya boinkiya hinin iikam whiekakim wa naokaowi. Krai siya hiriinansi boinkin ti yayim iikamim yipiki biya naokaowim sima wa wakaei mi wa naingwo tibmii siir yai imiirimin mi mhoiya sima wi Adi Komii saika nwowi. Iriig.

Kima dimin miyikim Adi Komii siya hauuwiyim simiirin sibgu kigrirao

⁷ Mi iikam ima mi dimin taeminim yipiki ti nu iir nwowim sima ini kingiinar nwowim wa nidwomaii. Mi kima sibgu daingwo omok mi kimakimasiyar kigriraona dimin taeminim kima tiriyim mi kima Biyan Inkam Komiiyin nhwo siiramin sibgu kwisboin. ⁸ Ti diminin yo prasae rani, ini iki dimin taemin nhirim kima wakaeyokna apiyim ini simiir kou ywowin. Kima irni nwirniyam naingwokwonanaei. Dimusi rani, yo tiriginin kimiir whinkinsis haiginuwi dimin biyeyim iki iikam nhirim sima diriraerariyim kimiir simiirsi naingwoyimiyoksi. ⁹ Mi kima iki iikam nhirim naingwo tibmiyim yipiki kamiiram nitiyim kimaka nini oniyim simiirin

sibgu kigrirao mi nae minim mi whwonkai hii ikim mi dimin taemin nhir ikim mi ti dimin hiriinanim simiir sibgu diriraerar haiginu mi kima kimiir kwoinim io kwoin kipi naingwo simiirin mi ha kipi diriraerar. ¹⁰ Mi ninokninkin komiia Adi Komii siya priihauugiya kimiir wim kima iki iikam nhirim simiir whinkinsiis haiginu mi ta hiriinan saiirsika kima wi Adi Komii siir diminpai diminpaiyim kimiir hauuim wi simiir sibgu kigriraowan iikam nwowi. Yim hiningim, ¹¹ iikamim yipiki yai kimiir boinmimauuwi mi sima Adi Komii siir yaigiyai imiirara boinmimauu iski. Mi yipiki dimin taeminim iikamim simiir whindiriraerari Adi Komii siir karieni mi ta hiriinan saiirsika iikamim Adi Komii siir inig iirin wa nwoki hainanim. Dimusi rani, Krais Jisis siya whindiriraerarkiya kimiir saiirsika. Mi kara ha naingwowi iikamim siir inig iir hainan, siyairgin inig komiigakin mi pi siya kigriraowi iikamim nu tiranim mi dimin taemin whiekak ikim inokinokin. Iriig.

Kima kipi naingwoyimiyok, ti dimin biyeyim kimiir tirbumbuim sima Krais siir bidiyar iki tirim

¹² Ti kariir nomiiyau kinim kima kipi nanaawin ti hiriinan hik kimpipisuim iikam kimiir nimbiniyim yim kimiir kinankuim mini mi sima wa nwoki kigim kima ini Adi Komii siirar sibgu wakaeyokna apim, kimiir kwoinin ha naingwowi ti dimin biyeyim biya bi nimbiamkim mi ta saeya ninkakniya. Ningaka. Biyin Krais siirar bidi yimbiamim. ¹³ Mi kima maigimaigra dwo kima Krais siir hiriinan nwokim dimin biye kimiir nimbiniyim. Dimusi rani, mhoiia

iya Kraisi swoki iti, siya, wi siya siyar nanaakninkinaei mi kima wi maingimainga taokitaoka saika nwowi. ¹⁴ Mi iikamim wi yai bibiyie kirie kimiir nikbumbu boini. Dimusi rani, kima Kraisi siiram naingwo tibmiikim mi kima maingimainga dwo. Dimusi rani, Adi Komii siir naeyiu kirieyin ini kimakar nwowin. ¹⁵ Mi kima siyiu biyie kipi tir mi gavman siir miyan iikamim kimiirin wi sima nonkwobumbuninkin haiginuwi ti siyiu biyie hiriinanin kima tiriyin siirsi. Yim hiningim, inkam min nisomsom aokao mi hi min tauae mi siyiu bibiyie iikam nhirmi tir mi kira ha naingwowi iki iikam nhirim simiir kouwin ini kirar ywowin mi simiir digworaekwowim yim ini kirar mi kigriraowim mi ti hiriinan diminim yim kipi tirmimin. ¹⁶ Mi inkamin iikam biyeyim dimin biyie tiriyim sima wi kiriir turbumbuninkini. Dimusi rani, siya Adi Komii siir yai aiir wakaeyokna apikin mi siya simiirsi kipi nidid siya Adi Komii siir inig iirar hainan. Dimusi rani, siya Adi Komii siiram naingwo tibmiikin.

¹⁷ Mi ta iya bidi yimbiniya Adi Komii siya iikam imiir hidana. Mi siya biyin wi iikamim yipiki siir yai aiir wakaeyokna apim wi simiir hidi. Mi siya biyin iikamim naingwo tibmiiyim krimiir hidi mi mhoiya wi panina tiri iikamim yipiki digiumii Adi Komii siir yai kibi aiir haimriiyuim simiirin? Simiirin wi siyar nonkwobumbuninkin uguskii. ¹⁸ Mi Adi Komii siir yayim Yokwo Komii saiir hir nwokaiyim yim hinina boinkim, Mi iikamim yipiki naingwo tibmiiyim mi ti dimin biyeyim ha nimbiyami hik

simiir hauuwam mi simiir kwoinim pariiparii sima nipiyaokiyim Adi Komii siir wakaeyokna apsi, mi ti dimin biyieyim ti iikamim Adi Komii siiram wakaeyokna apiyim simiir kwoin imiir kiyaiyam in pariipariiya nwowi, mi ti iikamim yipiki digumii Adi Komii siir haimriiyuim yim wi panin panina tiri, ha? Yim wi hindara nasae borninopkainam iuguskii.

¹⁹ Mi ta hiriinan saiirsika, ti iikamim yipiki dimin bibiyieki kiyikaigaiyim mi hikak ha nwowim, yim Adi Komii siirar kwoinkin ti hiriinan nimbiamin mi sima kipi naingwoyimiyok. Mi Adi Komii siiram daingwo tilmii yipiki iikam whiekak krimiir nonkwokwokiyin mi siya simiir whindiriraerarin mi simiir mi kigriraokin. Dimusi rani, siya dimin taeminim biya siya boinim, siya diriraeraram, siya simiirin wa diriraerari. Iriig.

5

Kima adiyaowae iikamim kima Adi Komii siir puganan iikamim simiir sibgu kigrirao

¹ Mi ta hiriinana saiirsika, iikamim Adi Komii krimiir Wanin siir pugananim iki iikam nhirim simiir kigriraowiyim kara kimiirin hiriinansi boinonkwokwoki. Mi kara iriipi hiriinan inkam adiyaowaeyargin kimiir hiriinan mi karar kigin Kraisiya naonamin. Mi kara wi siyaka boinaii dimin taemin miyik miyikim mhoiya Adi Komii siya nanaakninkiiyanim. ² Kara kimiirin tisa boinonkwokwokiyin kima iki Adi Komii siir iikamim sibsibnanim yipiki kimaka waraur nwowim simiirin sibgu kigrirao. Kima

sibgu kigrirao Adi Komii siya naingwowin kima tiram siir hiriinan. Dimusi rani, kima wi kipi diriraerar dimin taeminim, sima kimiirin hinina boini ti hinin diminin siir ti diriraerar. Nningaka. Kima simiir tiri. Dimusi rani, kimiir kwoinim simiir diriraerarim naingwokim kima simiirin minam kipi diriraerar umir komii haiyim, kima simiirar diriraerar. Dimusi rani, kima simiirin nninginnga tiramar naingwokim. ³ Kima iikamim Adi Komii siya nokmwın okwo haiginuwim kima, kimamar kipi naingwona hininin kouwin ini kimar ywowim mi simiirin kimar nokmimin tir dimin taemin tiramin. Nningaka. Wim kima ini aknainan ywowim iikamim warauranim simiir nnsiimauuwam dimin taeminim sima kigna apam. ⁴ Mi mhoiyya iyya Jisis Krais siya krimiir kigriraowi inkam komiiyin siya swoki iti, siya wi siya siyar nanaakninkiinaei mi kima wi saika ninkin haii dimin taemin kibikibiyim inokinok nwoyokiyokiyim kigugu karamae nwowiyim. ⁵ Mi ti hiriinan siyu kamwowin kara pi yainan whranim kimiir boinonkwokwoki, kima iikamim yipiki kimiir kigriraowiyim simiir yai imiir sibgu wakaeyokna ap kima whiekakarın irni nwirni yai wakaeyokna. Dimusi rani, Adi Komii siir yayim Yokwo Komii saiir nwowim yim hinina boinkim, Adi Komii siya iikamim yipiki ha naingwowim simaigim inkam komiikomiiyim, siya digiumii simiir haimriiyugin mi siya ti iikamim yipiki simamar naingwona karamae nwowiyim siya wi simiir whinkinsiis haiginuwi. ⁶ Dimusi rani, yayia Adi Komii siya boina saiirsika, kima ha daingwo Adi Komii siya inig komiigakin mi kima

kimamar kipi naingwona mi kima siir yai imiirar wakaeyokna ap mi ta saiir mhoiiyarin iya siya nimbina siya kimiirin wi wadiyar whindiriraerar haiginuwi mi kima wi kiriekikirieya nwowi. ⁷ Mi ti dimin taeminim kima naingwoyimi yokim kimiir kiyai, kima ti dimin taemin imiiram in Adi Komii siiram sri siya whinkinsiis haiginuwim kimiirin. Dimusi rani, siya kimiiram naingwokwonanaei mi kimiirin wi siyar kigriraowi.

⁸ Kima sibgu mintirao mi kimasiyar kigriraona. Kimiir sau omoman inkamin Setan siya ini wraisu komiyyin yipiki laion dapiyin ini siir hiriinan ywowin siya hinda tinda pa napririr kaowi iki wraisu nhirim simiir pisomsom aokaowim. Setan siir siyuin hinangin, siya hinda tinda pa napririr kaowi ikamim simiir nipiyaokiyim sima digumii Adi Komii siir haimriiyugigim. ⁹ Kimiir kwoinim kirie hriiyar dwokripkai mi digumii Setan siir haimriiyu mi ta hiriinan saiirsika kima ikamim yipiki Adi Komii siir yai imiir wakaeyokna apim. Dimusi rani, kima ina ninoknin kinim ikamim yipiki Adi Komii siir wakaeyokna apim hinda tindanim, dimin biyeyim wi simiir tirbumbuwi kimiir tirbumbuni hanin aka mi kimiir kwoinim kirieya dwo. ¹⁰ Mi ta iya kima hik kimpipisu haii saiir mhoiiyarin Adi Komii sikisiyairgin yipiki dimin taemin miyik whiekakim simiir bwamkibwamin. Mi siir dimin miyikmiyikim wi kimiiram nimbini kima haiyim mi kima wi Kraiis saika nwoyokiyokiikaeyami inokinin. Mi kimiirin wi miyik Adi Komii siya siyar nwowaiginuwi mi wi siya kirie haiginuwi mi kimiirin wi siyar mi whindiriraerar haiginuwi.

11 Kara ha naingwowi Adi Komii kɔmiiir Wanin siya digworaekwo whiekakim simiirar kigirkaki inokinokin. Iriig.

Mi kara piyaimirisim nhirim simiir swoki boinki

12 Ti inkamin Sailas nikiuwiyin yipiki kara naingwokwonanaeyin, siya whin win haiginugika ta yokwo mirisima kara kimiir boinonkwokwokiya mi kara ta yokwowa minam winkika kimiir nisiimauuim ta yaiya kima naingwo tibmiiya yim Adi Komii siirgisiirar yaigim. Mi kimiir kwoinin kirie dwo mi simiir wakaeyokna ap.

13 Mi kima iikam naingwo tibmiiyim yipiki om Babilon hir nwowim yipiki Adi Komii siya nimbiniim siirim simiir wakaeyokna ap mi sima mi Mak siya yipiki kariir yinisiimkɔnanin kanaka wakaeyokna apiyin Adi Komii siir, simiir nokboinmamaira kimiiram hauugika. 14 Kima iikam whiekakim yipiki kimiir nomiiyauim naingwo tibmiiyim simiir kigi mi simiirin dankabmamair mi dokboinmamair haiginu.

Mi kara ha naingwowi kima Kraisiir iikam whiekakim kwoinin iripa nongwomamair aeyin siir bidi haiyin. Iriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 21 Feb 2024 from source files dated 31 Aug 2023

5350dc83-93b2-5000-9c98-dcdb728ba84f